

“Službene novine Kantona Sarajevo”, broj 8/06

Na osnovu člana 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03-Prečišćeni tekst), u vezi sa članom 60. stav 1. Zakona o inspekcijama u Federaciji Bosne i Hercegovine ("Službene novine Federacije BiH", broj 69/05), članom 192. stavovi 3. i 4. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03) i članom 64. Zakona o unutrašnjim poslovima Kantona Sarajevo ("Službene novine Kantona Sarajevo", broj 22/00 - Prečišćeni tekst i broj 15/02,18/02 i 28/02), kao i člana 21. stav 2. u vezi sa članovima 1a. i 29a. Uredbe o naknadama i drugim materijalnim pravima koja nemaju karakter plaće ("Službene novine Federacije BiH", broj 34/04, 56/04 i 68/05), Vlada Kantona Sarajevo, na prijedlog Ministarstva pravde i uprave, Ministarstva finansija i Ministarstva za rad, socijalnu politiku, raseljena lica i izbjeglice, Vlada Kantona Sarajevo na 147. sjednici održanoj 2. marta 2006. godine donijela je

UREDBU

O POSEBNOM DODATKU NA PLAĆU

Član 1.

Ovom Uredbom utvrđuju se kriteriji za ostvarivanje prava na poseban dodatak na plaću i visina posebnog dodatka na plaću koja pripada državnom službeniku i namješteniku u kantonalnim organima, koji radi na poslovima sa posebnim ovlaštenjima, poslovima kod kojih postoje posebni uvjeti rada, odnosno poslovima koji su štetni po zdravlje i kod kojih se proces rada organizuje u turnusima, kao i ovlaštenim službenim licima u Ministarstvu unutrašnjih poslova Kantona Sarajevo.

Član 2.

Osnovna plaća glavnog kantonalnog inspektora i kantonalnog inspektora uvećava se za procenat 20%, kao dodatak za obavljanje poslova sa posebnim ovlaštenjima i uvjetima rada.

Član 3.

Zbog posebnih uvjeta rada i prirode poslova i zadataka koje obavljaju, poseban dodatak na plaću pripada ovlaštenom službenom licu u Ministarstvu unutrašnjih poslova Kantona Sarajevo, kako slijedi:

1. Ovlaštena službena lica koja obavljaju operativne poslove i rukovodeći državni službenici -ovlaštena službena lica čiji su poslovi u neposrednoj vezi s operativnim poslovima, u visini od 30% od osnovne plaće, i to :

- policijski komesar-generalni inspektor policije,
- glavni inspektor,
- samostalni inspektor,
- viši inspektor,
- inspektor,
- mlađi inspektor,
- stariji narednik,
- narednik,
- stariji policajac,
- policajac,
- sekretar Ministarstva unutrašnjih poslova i

- direktor Uprave administracije i podrške.
2. Državni službenici i namještenici-ovlaštena službena lica čiji su poslovi u neposrednoj vezi sa operativnim poslovima, u visini od 10% od osnovne plaće, i to:

- načelnik Sektora u Upravi administracije i podrške,
- načelnici odjeljenja za KZ, informatiku i tehničke poslove, analitiku, planiranje i evidenciju,
- vještaci za hemijsko, biološko i daktiloskopsko vještačenje,
- poslovi tonskog snimanja i prisluškivanja,
- tehničar za obezbjeđenja tragova sa uviđaja,
- referent za krivični upisnik, kaznenu evidenciju, operativnu evidenciju, MOS evidenciju i prekršajnu evidenciju i
- operater na sistemu KZ i SPI.

Član 4.

Stupanjem na snagu ove Uredbe prestaje da važi Uredba o dodatku na plaću ("Službene novine Kantona Sarajevo", broj 6/99 i 5/00) i svi pravni akti kojima je uređen dodatak na plaću suprotno odredbama ove Uredbe.

Član 5.

Ova Uredba stupa na snagu osmog dana od dana objavljivanja u "Službenim novinama Kantona Sarajevo", a primjenjuje se od 1. januara 2006. godine.